



28. Marts 2019

UPA 2019/28

Atassut

Aqqaluk Heilmann

Issittup imartaata qeqqani malittarisassaqaanngitsumik aalisarnerup pinngitsoortinnissaa pillugu isumaqatigiissummik Kunngeqarfiup Danmark-ip atuutsitsilernissaata namminersorlutik oqartussanit akuerineqarnissaa pillugu inatsisartut aaliagiiffigisassaatut siunnersuut.

(Aalisarnermut, piniarnermut, nunalerinermullu, naalakkersuisoq)

Nunat tamalaat issittumi aalisarneq pillugu isumaqatigiissutaat nunat issittup imartaata qeqqani malittarisassaqaanngitsumik aalisarsinnaanerup pinngitsoortinnissaa pillugu Ilulissani 03. Oktober 2018 atsioqatigiissutaasimasoq Atassummiit taparserparput.

Ullumi una ukioq killiffigisarput kisiat pillugu Atassummiit isumaqaanngilagut isumaqatigiissutip eqqornerlussinnaagaa nunarput nunat issittut imartaasa qeqqani malittarisassaqaanngitsumik aalisarsinnaanerup pisinnaajunnaarsitaanerata.

Atassummiit anguniartuarparput suulluunniit inuussutissarsiutaagaluarpataluunniit peqqissaartumik ingerlatseriaaseqarnissarput, tassami kinguaassatsinnut akornutaasussaannngitsumik tamatta iliuuseqarniartuuvugut.

Tulluarpoq nunatta inatsisartuisa nunat allat peqatigalugit inuussutissarsiutit akisussaaffeqartumik illersugaanikkut inatsisitigut malittarisassaliornikkuluunniit inisseeqataasarnissaa.

Piujuaannartitsineq pingaartitarivarput, kiisalu aalisapiluttutut aamma naqissuserneqaannginnissarput kisiat piinnarnagu nunat allat peqatigalugit niueqatigiinikkut inuussutissarsiutillu ingerlanneqarnissaannut peqataalluarnissarput tamatsinnut pingaaruteqarpoq.

Atassummiit siunnersuutigineqartoq akuerivarput.